

Fylgiseðill: Upplýsingar fyrir notanda lyfsins

Strepsils Honung & Citron munnsogstöflur
2,4-tvíklórbensýlalkóhól 1,2 mg / amýlmetakresól 0,6 mg

ATH. sama lyf og Strepsils med Honning og Citron

Lesið allan fylgiseðilinn vandlega áður en byrjað er að nota lyfið. Í honum eru mikilvægar upplýsingar.

Alltaf skal nota lyfið nákvæmlega eins og lýst er í þessum fylgiseðli eða eins og lækningurinn eða lyfjafræðingur hefur mælt fyrir um.

- Geymið fylgiseðilinn. Nauðsynlegt getur verið að lesa hann síðar.
- Leitið til lyfjafræðings ef þörf er á frekari upplýsingum eða ráðgjöf.
- Látið lækningurinn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Sjá kafla 4.
- Leitið til læknis ef sjúkdómseinkenni versna eða lagast ekki innan nokkurra daga.

Í fylgiseðlinum eru eftirfarandi kaflar:

1. Upplýsingar um Strepsils Honung & Citron og við hverju það er notað
2. Áður en byrjað er að nota Strepsils Honung & Citron
3. Hvernig nota á Strepsils Honung & Citron
4. Hugsanlegar aukaverkanir
5. Hvernig geyma á Strepsils Honung & Citron
6. Þakkingar og aðrar upplýsingar

1. Upplýsingar um Strepsils Honung & Citron og við hverju það er notað

Strepsils Honung & Citron munnsogstöflur draga úr eymslum og hafa bakteríudrepandi verkun. Strepsils Honung & Citron er notað við eymslum og ertingu í hálsi hjá fullorðnum og börnum eldri en 6 ára.

Verið getur að lækningurinn hafi ávísað lyfinu við öðrum sjúkdómi eða í öðrum skömmtum en tiltekið er í þessum fylgiseðli. Ávallt skal fylgja fyrirmælum læknis og leiðbeiningum á merkimiða frá lyfjabúð. Leitið til læknis ef sjúkdómseinkenni versna eða lagast ekki innan nokkurra daga.

2. Áður en byrjað er að nota Strepsils Honung & Citron

Ekki má nota Strepsils Honung & Citron:

- ef um er að ræða ofnæmi fyrir 2,4-tvíklórbensýlalkóhóli og/eða amýlmetakresóli eða einhverju öðru innihaldsefni lyfsins (talin upp í kafla 6).

Varnaðarorð og varúðarreglur

Leitið ráða hjá lækningurinn eða lyfjafræðingi áður en Strepsils Honung & Citron er notað:

- ef þú ert með arfgengt frúktósaþjól, glúkósa-galaktósa vanfrásog eða súkrósa-ísómaltasaþurrð.
- ef þú ert með sykursýki, þar sem Strepsils Honung & Citron inniheldur 1,0 g af glúkósa og 1,5 g af súkrósa í hverri munnsogstöflu.

Notkun annarra lyfja samhliða Strepsils Honung & Citron

Látið lækningurinn eða lyfjafræðing vita um öll önnur lyf sem eru notuð, hafa nýlega verið notuð eða kynnu að verða notuð.

Meðganga, brjóstgjöf og frjósemi

Við meðgöngu, brjóstgjöf, grun um þungun eða ef þungun er fyrirhuguð skal leita ráða hjá lækningurinn eða lyfjafræðingi áður en lyfið er notað.

Meðganga

Nota má Strepsils Honung & Citron á meðgöngu. Eins og á við um öll lyf skal sýna aðgát ef lyfið er notað á meðgöngu og leita ráða hjá lækni ef nauðsyn krefur. Engar eða takmarkaðar upplýsingar liggja fyrir um hvort nota má Strepsils Honung & Citron á meðgöngu.

Brjóstgjöf

Nota má Strepsils Honung & Citron meðan barn er haft á brjósti. Ekki er vitað hvort 2,4-tvíklórbensýlalkóhól, amýlmetakresól eða umbrotsefni þeirra berist í brjóstamjólk. Ekki er hægt að útiloka hættu fyrir nýbura/ungbörn.

Frjósemi

Engar upplýsingar liggja fyrir um hvort Strepsils Honung & Citron hafi áhrif á frjósemi.

Akstur og notkun véla

Strepsils Honung & Citron hefur engin áhrif á öryggi við stjórnun véla og hæfni til aksturs.

Hver og einn verður að leggja mat á getu sína til aksturs og starfa sem krefjast óskertrar árvekni. Eitt af því sem getur haft áhrif á slíkt er lyf vegna verkunar sinnar eða aukaverkana. Lýsing á verkun og aukaverkunum er í öðrum köflum fylgiseðilsins. Lesið því allan fylgiseðilinn. Ef þörf er á skal ræða þetta við lækni eða lyfjafræðing.

Strepsils Honung & Citron inniheldur glúkósa og súkrósa, gæta skal varúðar

Ef óþol fyrir sykrum hefur verið staðfest skal hafa samband við lækni áður en lyfið er notað.

Strepsils Honung & Citron getur valdið tannskemmdum við langtímanotkun.

Strepsils Honung & Citron inniheldur hveitisterkju

Lyfið inniheldur mjög lítið magn af glúteni (úr hveitisterkju). Það er talið „glútenlaust“ og mjög ólíklegt er að það valdi óþægindum hjá sjúklingum með glútenóþol.

Ein munnsofstafla inniheldur ekki meira en 22,04 míkrogrömm af glúteni.

Þeir sem hafa ofnæmi fyrir hveiti (ekki það sama og glútenóþol) eiga ekki taka lyfið.

Strepsils Honung & Citron inniheldur ilmefni með sítrali, geraníóli, d-Límóneni og línalóli

Lyfið inniheldur ilmefni með sítrali, geraníóli, d-Límóneni og línalóli. Sítral, geraníól, d-Límónen og línalól geta valdið ofnæmisviðbrögðum.

Strepsils Honung & Citron inniheldur súlfít

Getur í undantekningartilvikum valdið ofnæmisviðbrögðum og berkjukrampa.

Verið getur að lækningarnir hafi ávísað lyfinu við öðrum sjúkdómi eða í öðrum skömmtum en tiltekið er í þessum fylgiseðli. Ávallt skal fylgja fyrirmælum læknis og leiðbeiningum á merkimiða frá lyfjabúð.

3. Hvernig nota á Strepsils Honung & Citron

Alltaf skal nota lyfið nákvæmlega eins og lýst er í þessum fylgiseðli eða eins og lækningarnir eða lyfjafræðingur hefur mælt fyrir um. Ef ekki er ljóst hvernig nota á lyfið skal leita upplýsinga hjá lækningum eða lyfjafræðingi.

Til notkunar í munnhol. Strepsils Honung & Citron er látið leysast hægt upp í munn.

Ráðlagður skammtur

Fullorðnir: 1 munnsogstafla á 2-3 klst. fresti. Ekki skal nota meira en 12 munnsogstöflur á 24 klst. tímabili. Nota skal lægsta virka skammt í eins stuttan tíma og hægt er.

Notkun handa börnum

Börn eldri en 6 ára:

Notkun eins og lýst er fyrir fullorðna hér að ofan.

Börn á aldrinum 6-11 ára:

Lyfið á að gefa undir eftirliti fullorðins aðila.

Börn yngri en 6 ára:

Notist ekki handa börnum yngri en 6 ára nema samkvæmt leiðbeiningum læknis.

Aldraðir

Ekki er nauðsynlegt að breyta skömmtum handa öldruðum.

Ef notaður er stærri skammtur en mælt er fyrir um

Ef of stór skammtur af lyfinu hefur verið notaður eða ef barn hefur í ógáti tekið inn lyfið skal hafa samband við lækni, sjúkrahús eða eitrunarmiðstöð (sími 543 2222).

Við ofskömmun er hætt á magaþægindum.

Ef gleymist að nota Strepsils Honung & Citron

Ekki á að tvöfalda skammt til að bæta upp skammt sem gleymst hefur að nota.

4. Hugsanlegar aukaverkanir

Eins og við á um öll lyf getur þetta lyf valdið aukaverkunum en það gerist þó ekki hjá öllum.

Algengustu aukaverkanirnar eru ofnæmisviðbrögð. Við langtímanotkun getur komið fram erting í slímhúð. Einnig getur verið hætt á tannskemmdum við langtímanotkun.

Mjög sjaldgæfar aukaverkanir: Koma fyrir hjá 1 til 10 af hverjum 10.000 einstaklingum

- Ofnæmisviðbrögð sem geta komið fram sem útbrot, ofsakláði og þroti, bráðir öndunarerfiðleikar og of lágur blóðþrýstingur ásamt yfirlíði. Náladofi, sviði eða þroti í munni eða koki. Getur verið alvarlegt. Hafðu samband við lækinn. Ef fram kemur þroti í andliti, vörum og tungu getur það verið lífshættulegt. Hringdu í 112. Verkir í tungu geta komið fyrir. Óþægindi í munni og erting í hálsi. Útbrot.

Aukaverkanir sem koma örsjaldan fyrir: Koma fyrir hjá færri en 1 af hverjum

10.000 einstaklingum:

- Ógleði ásamt brjóstsviða / nábit

Tíðni ekki þekkt (ekki hægt að áætla tíðni út frá fyrirbyggjandi gögnum):

- Magaverkur

Gert er ráð fyrir að tíðni, tegund og alvarleiki aukaverkana sé sá sami hjá börnum eldri en 6 ára og fullorðnum.

Tilkynning aukaverkana

Látið lækinn, lyfjafræðing eða hjúkrunarfræðinginn vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Einnig er hægt að tilkynna aukaverkanir beint til Lyfjastofnunar, www.lyfjastofnun.is. Með því að tilkynna aukaverkanir er hægt að hjálpa til við að auka upplýsingar um öryggi lyfsins.

5. Hvernig geyma á Strepsils Honung & Citron

Geymið lyfið þar sem börn hvorki ná til né sjá.
Geymið Strepsils Honung & Citron við lægri hita en 25°C.

Ekki skal nota lyfið eftir fyrningardagsetningu sem tilgreind er á umbúðunum á eftir EXP.
Fyrningardagsetning er síðasti dagur mánaðarins sem þar kemur fram.

Ekki má skola lyfjum niður í frárennslislagnir eða fleygja þeim með heimilissorpi. Leitið ráða í apóteki um hvernig heppilegast er að farga lyfjum sem hætt er að nota. Markmiðið er að vernda umhverfið.

6. Pakkningar og aðrar upplýsingar

Strepsils Honung & Citron, munnsogstöflur innihalda:

- Virku innihaldsefni eru: 2,4-tvíklórbensýlalkóhól og amýlmetakresól. Ein munnsogstafla inniheldur 2,4-tvíklórbensýlalkóhól 1,2 mg, amýlmetakresól 0,6 mg.
- Önnur innihaldsefni eru: Hunang, vínsýra, piparmyntuolía, sítrónuolía, súkrósi, vatnsfrír glúkósi, litarefni kínlínungult (E104).

Lýsing á útliti Strepsils Honung & Citron og pakkningastærðir

Strepsils Honung & Citron eru glærar, kringlóttar munnsogstöflur merktar S á hvorri hlið.

Strepsils Honung & Citron er fánlegt í þynnupakkningu með 10, 12, 16, 24 og 36 munnsogstöflum og í stauk með 10 munnsogstöflum.

Ekki er víst að allar pakkningastærðir séu markaðssettar.

Markaðsleyfishafi og framleiðandi

Markaðsleyfishafi

Reckitt Benckiser Healthcare (Scandinavia) A/S
Vandtárnsvej 83A
DK-2860 Søborg
Danmörk

Framleiðandi

RB NL Brands B.V.
WTC Schiphol Airport
Schiphol Boulevard 207
1118 BH Schiphol
Holland

Samhliða innflutningur

Heilsa ehf., Bæjarflöt 1, 112 Reykjavík.
Merking: Heilsa ehf., Reykjavík.

Þessi fylgiseðill var síðast uppfærður í september 2024.

Ítarlegar upplýsingar um lyfið eru birtar á vef Lyfjastofnunar <http://www.serlyfjaskra.is>